

B. N. C.
FIRENZE
1098
12



1098-12



1098.12

1098.12

ASTRÆA, ET CHARITES:

Chorus

SEN: FRANCISCI ALEMANNI;
præfecti Pistorio,

representatus

A IOANNE BAPTISTA CANOSSA I. C.

SEN: HORATIO MINERBETTO,
eius in d. præfecturam successori.



PISTORII. Apud Petrum Antonium Forrunatum.

Superiorum permissu. 1654.

1058.12



Vod a Serenissimo Magno Duce nostro electus fueris, qui Ciuitatem hanc regas, & noster sis omnium præsēs, ac moderator, sanèquam, pro eo, ac par est, & tibi gratulamur, & nobis gaudemus.

Tibi gratulamur. quia virtus tua, si, uti generose germen indolis, faustorum hospes penetralium, & Medyceorum syderum alumna, continere se domi diutius non poterat, amplissimum iam naeta est theatrum, in quo suas poterit partes plenius agere, se se facere conspectiorem, & gloriosum toti Hetruriæ spectaculum dare, tuis spiritum, animam famę. Nobis gaudemus. quia, si cor Principis est in manu Dei, & Deus nec fallitur, nec fallit, sperandum nobis est, ex hac electione fore omnino, ut, quam suauissimi regiminis iacturam facimus, ex discessu Francisci Senatoris Alemanni, eam tu, pręsentia tua, plenissime refarcias. Quapropter, ut citius communem hanc omnium lætitiā impleas, & tantę respondeas expectationi, non ingratum iam tibi erit audire (licet ab imperito) quā ille humaniter nobis iustitiā administrauerit (veluti Astreę, & Charitum choragus) ut in eius erga nos meritis agnoscas partes tuas, & vota nostra.

De Alemanni iustitiā qui se dignè satis agere posse confidit, nā ille aut nimium sibi confidit, aut Alemannum non cognoscit, aut, si cognoscit, iniquus est eius æstimator. cum enim iustitiā foueri concordiam, concordia stare ciuirates intelligeret (planè ut non immerito crederent veteres, ipsum etiam Iouem, licet Pallade plenum caput, regere Orbem terrarum, sine Astræa, nesciuisse) haud satis vnquā dici possit, quā acris fuerit iusti assertor, quā diligens custos, quā sollicitus defensor. Non eum munera, non amor, non odium, non preces, non lachrymæ, non denique ænea pectora, non etiam phalanges, angustissimum quidem vnguem a recti semita dimouissent.

In Olympi vertice stetit illi Astræa: Ac proinde, licet eiusdem Olympi latera quaterent venti, procellæ, imbres, ea tamen semper supra turbines omnes, supra omnes tempestates fuit. Quinimodò, si olim Brutus patrem exuit, ut consulem ageret, hic, ut consuleret iustitiæ, cum exuere non posset patrem, quia celibatum religiosissimè custodit, profectò exuisset hominem. Viduus dilexit, pupillos amavit, orphanos in oculis tulit, in sinu pauperes, planè ita, ut hi egestatis incommoda non senserint, orbitatis illi, omnes verò lachrymas, licet domesticas, eliminauerint, sed, quia iustitiàm gessit in corde, si quis eorum abfuit a iustitia, ab eius corde abfuit.

Reos alicuius criminis, ut inimicos iustitiæ, suos reputavit necessarios hostes, nec minori prosequutus est odio, quam tenebras prosequatur Sol, ut quos, vel ipso in aduentu suo, Astrææ gladio percussit, dissipauit, extinxit: quanquam odium istud in externos tantum, qui fortè iustitiàm offenderunt, exercendum fuit, non in Pistorienses, qui ab ingenito sibi amore virtutis degenerare nesciunt vnquam, & semper viuunt honestissimè, neminem lædunt, & vnicuique tribuunt vltro, quod ei debetur.

Atque hanc quidem iustitiàm nobis administravit Senator Franciscus Alemannus. Verum enim verò iustitiæ adiunxit humanitatem, nempe Charites Astrææ, ut, quoniam eæ coronam faciunt, hæc incederet coronata, ac proinde non solum supra omnem æmulationem esset, sed prætereà etiam nos regeret, ea suauis maiestate tantum: & prudentissimè profectò. Vbi enim, ut hac in vrbe, generosa vehuntur capita, nauis non, nisi zephyris spirantibus, portum capit, iustitia, quo minorem vim facit, eo habet maiorem, &, quemadmodum indicauit e Bucephalo Alexander, & cecinit Claudianus (e Phœbi tripode verius, quàm e Musarum lauretis)

„peragit tranquilla potestas,

„quod violenta nequit.

Tanta igitur humanitas in Alemanno extitit, quanta non vnquam

quam in alio . Etenim, quem dignitas maiorem omnibus, singularem auctoritas, potestas vnicum faciebat, eundem humanitas, tanquam regula lesbia, parem fecit summis, medijs infimis, & Solis æmula, suos omnibus radios pariter impartita est . Ciues, exteros, notos, ignotos, meritos, non adeò meritos, omnes prorsus, hilariter in admissionibus excepit, officiosè tractauit, dimisit obsequiosè, finem verò congressibus non fecit vnquam, sed expectauit semper, & si quis ab eo cum repulsa recessit, vt qui fortè non admodum iusta petierit, certè sine spe aliqua, aut saltem tristis non recessit . Præfuit, non tam vt præesset, quàm vt prodesset, melior potius, quàm maior, quia magis se datum nobis fuisse, quàm nos sibi intellexit . Vnde antecessores suos, licet omnibus obuio, præsentibus omnibus, & extremis, penè dixerim, benignitatis metas nobis prætergressos, longissimo tamen omnes post se interuallo reliquit . Illi namque non ità se nobis exhibuerunt, quin aliquando etiam sibi vacauerint, non ità se nostris dederunt negotijs, quin proprio etiam indulserint otio, non ità horarum liberales nobis extiterunt, quin statas aliquas habuerint, quas genso tribuerent, aut saltem quieti, hic autem nullius otij, omnium horarum, nihil condus, totus promus, sibi nihil fuit, vt nobis nihil non esset . Quid verò si, eum ne irasci quidem potuisse, dixerimus? Delphicus ille Apollo dextera quidem gestabat Gratiarum, sed, quia etiam fulmina gerebat sinistra, & oculos liberos, liberum os, habebat, ideò, si imparia illa onera mutuata sibi inuicem fuissent eius manus, potuisset ipse, oculis, ore, dextera, fulgurare, tonare, fulminare . Apollo autem hic noster Alemannus, qui perpetuum, hoc anno, fecit huic cælo diem, haud quidquam horum efficere nobis vnquā potuit . Quandoquidē, si verum est, nostrorum officinam malorum esse nostram cuiusque vitā, nec fabros, profectò nullum is a nobis habuit vel fulgur, quo minaretur, vel tonitru, quo increparet, nedum fulmen, quo exterminaret, & si habuisset, certè etiam habuisset & oculos, & os, & manus, vtranque, Gratijs impeditas . Grata impedi-

menta:

menta : ex quibus inane perpetuò fuit optare , vt is procul a nobis esset , quò essemus procul a fulmine, cum immò eius absentia nos procula Gratijs effecisset. Si quis igitur Alemanniæ famæ , quæ tota Martialis est , credat , & Genium illius provincie Martem esse, dixerit, nos, qui riuum gustauimus, arguimus de fonte , & iurabimus, esse Gratijs : si quis nomen Alemannum, quasi Martis nomen, abhorreat, nos, qui propter Alemannos, viximus cum Altræa , & Gratijs , optabimus omnes , vt, cum suo Martis nomine, nobis semper viuant Alemanni.

Hæc sunt Senatoris Francisci Alemanni in nos merita, hæc partes tuæ , hæc vota nostra . Merita , quibus non conamur paria facere, quia ne dicere quidem possumus proxima: partes, quas spectatum admissi expectamus omnes cum plausu : Vota , vt, partibus tuis, eius merita nobis repræsentent . Quibus quidem si nos damnaueris , votiua tibi erimus tabulæ rei , & Apellem aliquem rogabimus , qui suæ in eam artis conatus omnes conferat , & tua coronet imagine : nec ex Academicis hisce, Solis familiaribus, decrit , qui te affinibus suis Astris inserat, & nomen tuum mittat in sæcula .





